

कुरिन्थियन क दूसरी पत्र

1 परमेस्वर क इच्छा स मसीह ईसू क प्रेरित पौलुस अउर हमरे भाई तीमुथियुस क कईती स कुरिन्थुस परमेस्वर क कलीसिया अउर अखाया क पूरे छेत्रन क पवित्तर लोग क नाउँ:

2हमार परमपिता परमेस्वर अउर पभू ईसू मसीह क कईती से तू सबन क अनुग्रह अउर सान्ति मिलइ।

पौलुस क परमेस्वर क धन्यवाद

3हमार पभू ईसू मसीह क परमपिता परमेस्वर धन्य अहइ। उ दया क स्वामी अहइ अउर आनन्द क प्रेरणा अहइ। 4हमार हर विपत्तिन में उ हमका सान्ति देत ह ताकि हमहूँ हर प्रकार क विपत्तिन में पड़े लोगन क वइसेनइ सान्ति दइ सकी। जइसेन परमेस्वर हमका दिहे अहइ। 5काहेकि जइसेन मसीह क सबइ यातना में हम सहभागी अही। वइसेनही मसीह क कारण हमार आनन्द भी तोहरे बरे उमड़त बा। 6जदि हम कष्ट उठाइत ह तउ उ तोहरे दिलासा अउर उद्धार क बरे बा। अउर हम आनन्दित अही। तउ उ तोहरे दिलासा क बरे बा। ई आनन्द ओनही यातना क जेनका हमहूँ सहत अही। तू सबन क धीरज क साथ सहई बरे प्रेरित करत ह। 7तोहरे बिसय में हमका पूरी आसा बा। काहेकि हम जानित ह कि जइसे हमरे कस्टन क तू बाँटत ह, वइसेनइ ही हमरे आनन्द में तोहार भाग बा।

8भाइयो, हम चाहित ह कि तू ओन यातना क बारे में जाना जउन हमका एसिया* में झेलइ क पड़ी रही। उहाँ हम, हमार सहन सक्ति क सीमा स कहूँ बहुत बोझन क तरे दबाइ गवा रहे। इहाँ तक कि हमका जिअइ क कउनउ आसा नाहीं रही ग रही। 9हाँ अपने अपने मने में हमका अइसेन लागत रह जइसेन हमका मऊत क सजा दीन्ह गइ रही। ताकि हम अपने ऊपर अउर जियादा भरोसा न कइके परमेस्वर पइ भरोसा करी जउन मरे हुए क फिन से जिआई देई। 10हमका उ भयंकर मऊत से उहइ बचाएस अउर हमार आजु क परिस्थितियन में उहइ हमका बचावत रहा। हमार आसा उहइ पर टिकी बा। उहइ हमका आगेउ बचाइ। 11अउर तूहऊ हमरे तरफ स पराथना कइके मदद देव्या तउ हमका बहुत जने क पराथना क कारण परमेस्वर क अनुग्रह मिला बा, ओकरे बरे बहुत मनइयन क हमरे तरफ स धन्यवाद देई बरे मिली जाई।

पौलुस क योजनन में बदलाव

12हमका ऐकर गरब बा कि हम इ बात साफ मने स कहि सकित ह कि हम इ जगत क साथे अउर खासकर तू

एसिया मतलब एसिया माइनर क पच्छिमी भाग।

लोगन क साथे परमेस्वर क अनुग्रह क एकदमई उहइ रूप क व्यवहार किहे अही। हम उ सरलपन अउर सच्चाई क साथे बहुत खातिदारी किहे रहन। जउन परमेस्वर से मिलत ह न कि दुनियावी बुद्धि स। 13हाँ! इहीं बरे हम ओका छोड़िके तू सबन क बस अउर कछू नाहीं लिखत अही। जेसे तू मोका एकदमई वइसेन ही समझ लेब्या।

14जइसेन तू हमका थोडेन में समझे अहा। तू हमरे बरे वइसेन ही गरब कई सकत ह। जब हमार पभू ईसू फिन आइ। 15अउ इहीं बिसवास क कारण मई पहिले तोहरे पास आवइ बरे ठाने रहेउँ। ताकि तोहका दुसरीउ बार से आसीबादि क लाभ मिल सकइ। 16मई सोचित ह कि मैसीडोनिया से लऊटिउँ उ फिन तोहरे पास जाउँ। अउर फिन तोहरे से ही यहूदिया क जाइ बदे बिदा कीन्ह जाउँ। 17मई जब इ योजना बनाए रहेउँ, तउ मोका कउनो संदेह नाहीं रहा। का तू बिना अच्छी तरह से सोच्या ह। मई जउन योजना बनाइत ह, ओक ओ संसारी ढंग से बनाइत ह कि एक्कइ समइ “हाँ, हाँ” कहत रही अउर “न, न” कहत रही।

18यदि तू परमेस्वर में बिसवास कइ सकत ह तउ तू बिसवास कइ सकत ह कि अउर उ एँके सास्त्री देई कि तोहरे बरे हमार जउन बचन बा एक साथे “हाँ” अउर “ना” नाहीं कहत। 19काहेकि तोहरे बीचवा में जउन परमेस्वर क पूत ईसू मसीह क हम यानि सिलवानुस, तीमुथियुस अउर मई प्रचार किहे अही, उ “हाँ” अउर “ना” दुइँउ एक साथे नाहीं बल्कि ओनके कारण एक चिरन्तन “हाँ” का घोसणा कही गइ बा। 20काहेकि परमेस्वर जउन अनन्त प्रतिज्ञा किहे अहइ उ ईसू में सबके बरे ‘हाँ’ बनि जात ह। इही बरे हम ओकरे द्वारा जउन “आमीन” कहत अही उ परमेस्वर क ही महिमा बरे होत ह। 21उ जउन तोहका मसीह क मनई क रूप में हमरे साथे सुनिश्चित करत ह अउर मई क अभिसेक किहे बा उ परमेस्वर ही अहइ। 22जउन हम पइ आपन स्वामी क मोहर लगाए अहइ अउर हमरे भीतर बयाना क नाई उ पवित्तर आतिमा दिहेस जउन इ बात क आस्वासन बा कि जउन देइ क बचन उ हमका दिहे अहइ, ओका उ हमका देई।

23साच्छी की तरह परमेस्वर क दुहाई देत अउर अपने जीवन क सपथ लेत मई कहत अहउँ कि मई दुवारा कुरिन्थुस इही बरे नाहीं आए रहेउँ कि मई तोहका पीड़ा से बचावई चाहत रहेउँ। 24ऐकर मतलब इ नाहीं कि हम तोहरे बिसवासे पर काबू पावई चाहत अही। तू तउ अपने बिसवासे में अडिग अहा। बल्कि बाति इ अहइ कि हम तउ तोहरे खुस रहई बरे तोहार कर्मी अही।

2 इही बरे मई इ निस्चय कई लिहे रहेउँ कि तोहका फिन स दुख देइ तोहरे लगे न आई। 2काहेकि अगर मई तोहका दुखी करब तउ फिन भला अइसेन कउन होई जउन मोका सुखी करी? सिवाई तोहका जेका मई दुख दिहे अहउँ। 3इहइ बात त मई तोहका लिखे हउँ कि जब मई तोहरे लगे आवउँ तउ जेनसे मोका आनन्द मिलइ चाही ओनके तरफ स मोका दुख न पहुँचावा जाई।

4काहेकि तू सबन मँ मोका बिसवास रहा कि मोर खुसी मँ तू सभे खुस होब्या। काहेकि तोहे मई दुख भरे मन अउर बेदना क साथे आँसू बहाई-बहाई क ई लिखे अहउँ। पर तोहका दुखी कई बरे नाहीं, बल्कि इही बरे कि तोहरे लिए जउन मोर पिरेम बाटई उ केतना महान बा तू एँका जान सका।

बुरा कई वालन क छमा करा

5मुला अगर कउनो मोका कउनउ दुख पहुँचावई तउ उ मोका केवल नाहीं, बल्कि कउनो न कउनो मात्रा मँ तू सबन क पहुँचाए बा। 6अइसेन मनई क तोहार समुदाय जउन दण्ड दई दिहे अहइ, उहइ परियाप्त बा।

7इही बरे तू तउ अब ओकरे विपरीत ओका छमा कई दया। अउर ओका प्रोत्साहित करा। ताकि उ कहुँ बढ़ाइ चढ़ाइ दुख मँ न डूबि जाई। 8इही बरे मोर तोहसे बिनती बा कि तू ओकरे बरे अपने पिरेम क बढ़ावा। 9इ मई तोहका इ देखई बरे लिखे अही कि तू परिच्छा मँ पूरा आज्ञाकारी हवा या नाहीं। 10मुला अगर तू कउनो क कउनउ बात क बरे छमा करित ह तउ ओका मई भी छमा करत ह अउ जउन कछू छमा किहे अही। अगर कछू मई छमा किहे अही तउ उ मसीह हमरे साथ रहा तोहरे बरे किहे अही। 11ताकि सइतान हमसे कछू भी न जीत सकइ।

पौलस क असात्ति

12जब मसीह क सुसमाचार क प्रचार कई बरे मई त्रोआस आएउँ तउ उहाँ मोरे बरे पर्भू क दुवार खुला रहा। 13अपने भाई तितुस क उहाँ न पाइके मोर मन बहुत बियाकुल रहा। तउ ओनसे विदा लइके मई मैसीडोनिया क चली दीन्ह।

मसीह से विजय

14मुला परमेस्सर धन्य अहइ जउन मसीह क कारण अपने विजय अभियान मँ हमरे हमेसा राह देखौवत ह। अउर हमरे कारण हर कहुँ अपने गियान क सुगन्धि फैइलावत ह। 15काहेकि ओनके बरे जउन अबहीं उद्धार क राह पर अहई अउर ओनके बरे जउन बिनास क रस्ता पर अहई, हम मसीह क परमेस्सर क समर्पित मधुर भीनी सुगन्धित धूप अही। 16मुला ओनके बरे जउन खोइ ग अहई। इ मऊत क अइसेन दुर्गन्धि अहइ। जउन मऊत कईती लई जात ह। पर ओनके बरे जउन उद्धार क रस्ता पर बढ़त अहई, इ जीवन क अइसेन सुगन्ध अहइ, जउन जीवन क तरफ अग्रसर करत ह। मुला इ काम बरे सुपात्र आदमी कउन बाटेन? 17परमेस्सर क बचन क अपने लाभ बरे, ओँ मई मिलावत

कइके बेचईवाले बहुत जने से दुसरे लोगन जइसे हम नाहीं अही। न तउ! हम ते परमेस्सर क समन्वा परमेस्सर क तरफ स भेजा गवा मनइयन क समान मसीह मँ स्थित होकर, सच्चाई क साथे बोलित ह।

नवा करार

3 एहसे का अइसा लागत ह कि हम फिन स आपन प्रसंसा अपने आपइ करइ लागे अही? अउर का हमका तोहरे बरे या तोहसे पहिचान पत्र लेई क जरूरत बा? जइसेन कि कछू लोग करत हीं। निस्चय ही नाहीं 2हमार चिट्ठी त तू खुदइ अहा जउन हमरे मने मँ लिखा बाटइ जेका सब जने जानत हीं अउर पढ़त हीं। 3अउर तूहउँ तउ अइसेन देखावत ह। जइसे तू मसीह क चिट्ठी अहा। जउन हमरे सेवा क फल अहइ जेका स्याहीं से नाहीं बल्कि सजीव परमेस्सर क आतिमा से लिखा गवा बा। जेका पथरीली सिलान* पर नाहीं बल्कि मनइयन क हृदय पटल पर लिखा गवा बा।

4हमका मसीह क कारण परमेस्सर क समन्वा अइसेन दावा कई क भरोसा बा। 5अइसेन नाहीं ना कि हम अपने आपन मँ एतना समरथ अही जउन सोचई लगा अहई कि हम अपने आपइ से कछू कइ सकित ह। बल्कि हमका समरथ तउ परमेस्सर से मिलत ह। 6उहइ हमका एक नवा करार क सेवक बनवई क जोग्ग ठहराए बाटइ इ कउनउ लिखी संहिता नही अहइ। बल्कि आतिमन क करार अहइ काहेकि लिखी संहिता तउ मारत ह जब कि आतिमा जीवन देत ह।

पौलस क सेवा मूसा क सेवा स महान बा

7काहेकि उ सेवा जउन मऊत से जुरी रही (यानी व्यवस्था) जउन पत्थर पर लिखा गवा बा। ओहमें एतना तेज बाटई कि इस्त्राएल क लोगन मूसा क ओह तेजवाला मुँह क एकटवकई न देख सकेन। अउ ओकर उ तेज बाद मँ कम होइ गवा। 8फिन भला आतिमा से लगी सेवा अउर जियादा तेज काहे न होइ। 9अउर फिन जब दोसी ठहरावइ वाली सेवा मँ एँतना तेज बा तउ सेवा मँ केतना जियादा तेज होई। जउन धर्मी लोगन क परमेस्सर स ठहरावइ वाली सेवा क बा। 10काहेकि जउन पहिले तेज से भरापूरा रहा उ अब ओह तेज के आगे जउन मँ ओहसे कहुँ जियादा तेज बा, तेज स कम होइ गवा। 11काहेकि उ सेवा जेकर तेज बिना होइ जाब निश्चित रहा। उ तेज रही त जउन अमर बा उ केतना तेज होइ।

12अपने इहइ आसा क कारण हम ऐतना निरभय अही। 13हम उ मूसा क जइसेन नाहीं अही, जउन अपने मुँह पर परदा डाले रहत रहा कि कहुँ इस्त्राएल क लोग आपन आँख गड़ाइ क जेनकर बिनास निश्चितइ रहा ओह सेवा अन्त क न देखि लेई। 14मुला ओकर बुद्धि जइ होइ ग रही काहेकि आज तलक जब उ पुराने करार क पढ़त हीं तउ

पथरीली सिलान परमेस्सर सीनै पर्वत प मूसा क जउन व्यवस्था दिहे रहा उ पाथसन प लिखा गवा रहा। (निर्ग. 24:12; 25:16)

अबभी उहइ परदा ओनपर बिना हटाए पड़ा रहत रहा। काहेकि उ परदा बस मसीह क कारण ही हटावा जात ह। 15आज तलक जब जब मूसा क ग्रन्थ पढ़ा जात रहा। तउ पढ़इवाले क मने पर परदा पड़ा रहत रहा। 16मुला जब कउनो क हिरदइ पभू क तरफ मुड़त रहत ह तउ परदा हटाइ दीन्ह जात ह। 17देखा! जउने पभू के ओर मई इसारा करत हउँ, उहइ आतिमा अहइ। हुवैइ स्वतन्त्रता अहइ। अउ जहाँ पभू क आतिमा बा। 18उहाँ छूट बा। त हम सब अपने खुला मुँहे क साथे सीसा में पभू क तेज क जब धियान करित ह तउ हमका वइसेन भवा लागत ह अउ हमार तेज बहुत अधिक बढ़ा लागत ह। तेज उ पभू स मिलत ह, जउन आतिमा अहइ।

माटी क भांडी में आतिमा क धन

4 काहेकि परमेस्सर क दया स इ सेवा हम सबन का मिली बा, इही बरे हम निरास नाहीं होइत। 2हम तउ लजाइ वाला छुपा काम क छोड़ दिहे अही। हम कपट नाहीं करित अउर न तउ हम परमेस्सर क बचन में मिलावट करित ह बल्कि सत्य क सरल रूपे में परगट कइके लोगन क चेतना में परमेस्सर क सामने अपने आपके प्रसंसा क जोगग ठहराइत ह। 3जउन सुसमाचार क हम प्रचार करित ह, ओह पर य कउनउ परदा पड़ा होइ तउ इ केवल ओनके बरे पड़ा बा। जउन बिनासे क स्स्ता पर चलत ही। 4एह जुगे क सुवामी (सइतान) एह अबिसवसियन क बुद्धि क आँधर कइ दिहे अहइ। ताकि उ पचे परमेस्सर क साच्छात एकदमई वइसेन ही रूप उ मसीह क महिमा क सुसमाचार स फूटन रह प्रकास (सत्य) क न देख पावईस। 5हम खुद आपमन प्रचार नाहीं करित ह बल्कि पभू क रूपवा में उ मसीह ईसू क उपदेस देइत ह। अउर अपने बारे में त इहइ कहित ह कि हम ईसू क नाते तोहार सेवक अही। 6काहेकि उइ परमेस्सर तउ जउन कहे रहा, “अँधियारे स ओजियारे में चमकइ।” उहइ हमरे हीये में अँजोर भवा बा। ताकि हमका ईसू मसीह क व्यक्तित्व में परमेस्सर क महिमा क गियान क ज्योति मिल सकइ।

7मुला हम जइसेन माटी क भाँडिन में उ सम्पतिन इही बरे रखी गइ बा, अउर इ सिद्ध होइ गवा अहइ कि उ असीमित सक्ति हममे नाहीं उहइ आवत बल्कि परमेस्सर से आवत ह। 8हम हर समइ सब प्रकार क कठिन दबाव में जियत हइ, मुला हम कुचल नाहीं ग अही। हम घबरान अही मुला निरास नाहीं अही 9हमका यातना दीन्ह जात ह, पर हम खतम नाहीं अही हम झुकाइ दीन्ह जात अही, पर नस्त नाहीं होइत। 10हम हमेसा अपने देह में ईसू क हतिया क सब जगहा लिहे रहित ह ताकि ईसू क जीवन उ हमरे देहन में स परगट होइ। 11ईसू क कारण हम जउन जिअत अही ओनके हमेसा मऊत क हाथे सौपा जात ह। ताकि ईसू क जीवन नासवान सरीर में एकदमई उजागर होइ सकइ। 12इही बरे मऊत हमरे में अउर जीवन तोहरे में सक्रिया बा।

13सास्तरन में लिखा बा, “मई बिसवास किहे रहेउँ इही बरे मई बोलेउँ।” * हमहूँ में बिसवास क उहइ आतिमा बा

“मई ... बोलेउँ” भजन. 116:10

अउर हम भी उही प्रकार क बिसवास करित ह इहीं बरे हमहूँ बोलित ह। 14काहेकि हम जानित ह कि जे पभू ईसू क मरे रहे में जियाइ क उठाएस उ हमहूँ क उही तरह ईसू क साथ जिन्दा करिही। जइसेन क ईसू क जियाएस ह। अउर हमहूँ क तोहरे साथे अपने सामने खड़ा करिही। 15इ सब बात तोहरे बरे ही करी जात ह। ताकि जियादा से जियादा लोगन में फइलत जात रही परमेस्सर क अनुग्रह परमेस्सर क महिमा चमकावइ वाले जियादा स जियादा धन्यवाद देइ में फलि सकईं।

बिसवास स जीवन

16इही बरे हम निरास नाहीं होइत! जद्यपि हमार भौतिक सरीर कमजोर होत जात बा, तबऊ हमार अन्तरात्मा रोज्जइ नवा से नवा होत जात बा। 17हमार पल भरे क इ छोट मोट दुख एक न तुलना कीन्ह जाइवाली अनन्त महिमा पैदा करत बा। 18जउन कछू देखा जाइ सकत ह, हमार आँखी ओह पर नाहीं टिकी बा। काहेकि जउन देखा जाइ सकत ह उ बिनासी नाहीं बा, जब कि जउन नाहीं देखा जाइ सकत ह उ अस्थायी बा।

5 काहेकि हम जानित ह कि हमार इ काया मतलब इ तम्बू जेहमें हम इ धरती पर रहित ह गिराइ दीन्ह जाई तउ हमका परमेस्सर क तरफ स सरग में एक भवन मिलि जात ह, जउन मनइयन क हाथे बना नाहीं बा अउर यह भवन चिरस्थायी अहइ। 2तउ हम जब तलक इह आवास में अही, हम रोवत-धोवत रहित ह अउर इहइ चाहित रहित ह कि अपने स्वगीय भवन में जाइ बसी। 3(निश्चित हमार इ धारण अहइ कि हम ओका पउबइ अउर फिन बिना घरे क न रहबइ) 4हमरे में स उ जउन इहइ तम्बू यानि भौतिक सरीरी में स्थित बा, बोझ से दबा कराहत बाटेन। कारण इ अहइ कि हम कबहुँ नंगा न पावा चाहित काहेकि उम्मीद अहइ हम जब संसारिक सरीर छोड़ देब ताकि जउन कछू नासवान बा ओका अनन्त जीवन निगल लेइ। 5जे हमका इ प्रयोजन क बरे तइयार किहे अहइ, उ परमेस्सर ही अहइ। उहइ इ आस्वासन क रूपे में कि अपने बचन की नाहीं उ हमका देइ। बयाना क तरह हमका आतिमा दिहे बा।

6हमका पूरा बिसवास बाटइ, काहेकि हम जानित ह कि जब तक हम अपने देही में रहत अही, पभू से दूर अही। 7काहेकि हम बिसवास क सहारे जिअत अही बस आँखी देखी क सहारे नाहीं। 8हमका बिसवास बा इही बरे मई कहत हउँ कि हम अपने देही क तियागके, जाइके पभू क साथे रहइ बरे अच्छा समझित ह। 9इही बरे हमार ई अभिलास बा कि हम चाहे हियाँ अपने सरीर में रही अउर चाहे हुआँ पभू क साथ, ओका अच्छा लागत रहइ। 10हम सब आपन तन में स्थित रहिके भला या बुरा, जउन कछू किहे अही, ओकर फल पावई बरे मसीह क निआव आसन क समन्वा उपस्थित जरूर होइ क बा।

परोपकारी परमेस्सर क दोस्तन होत ह

11सच क स्वीकार करा, कहेकि हम जानित ह कि पभू स डराइक, मतलब होत ह। हमरे अउर परमेस्सर क बीच में

कउनउ परदा नहीं बा। अउर मोका आसा बा कि तू हमका पूरी तहर से जानत अहा।

12हम तोहरे सामने फिन स आपन कउनउ सिफारिस नहीं करत अही। बल्कि तोह पचन क एक अवसर देत अही कि तू हम प गरब कइ सका। ताकि जउन देखाइवाली चीजन पर गरब करत हीं, तउ ओह प जउन कछू ओनके मने में बा, ओनका ओकर उत्तर दइ सकइ। 13काहेकि अगर हम दीवाना अही तउ परमेस्सर बरे अही अउर अगर सयान अही तउ उ तोहरे बरे अही। 14जउन नियन्ता अहइ हमार तउ मसीह क पिरेम अहइ। काहेकि हम अपने मन में इ धई लिहे अही कि उ एक मसीह सब मनइयन क बरे मरा रहा। मतलब सब मरि गएन। 15अउर उ सब जने बरे मरा काहेकि जउन लोग जिन्दा अहई, उ अब आगे बस अपनेन बरे न जिअत रहई। बल्कि ओनके बरे जियई जउन मरइ क बाद फिन जिन्दा कइ दिहा गवा।

16परिणामसरूप अबहुँ स आगे हम कउनो क मनइयन क संसारी आँखी स नहीं देखा। जद्यपि एक समइ हम मसीह क संसारी आँखी स देखे रहे। चाहे कछू होइ, अब हम ओका इही तरह स नहीं देखित ह। 17इही बरे अगर कउनो मसीह में बाटई तउ अब उ परमेस्सर क नवी स्त्रिस्टी क अंग अहइ। पुरान बात जात रही अब। सब कछू नवा होइ गवा वा।

18अउ फिन उ सब बात ओह परमेस्सर का कारज अहई, जउन हमका मसीह क कारण अपने में मिलाइ लिहे बा अउर जने क परमेस्सर स मिलवाइ क काम हमका सौंपे बा। 19हमार सँदेसा बा कि परमेस्सर लोगन क पापन क अनदेखी करत मसीह क कारण ओका अपने में मिलावत ह। अउर उहइ मनइयन क परमेस्सर से मिलवइ क सँदेस हमका सौंपे अहइ। 20इहीं बरे हम मसीह क प्रतिनिधि रूप में काम करत अही। माना कि खुद परमेस्सर लोगन का बोलावत ह हमरे माध्यम स। मसीह क तरफ से हम तोहसे बिनती करत अही कि परमेस्सर क साथे मिलि जा। 21जउन मसीह पाप रहित रहा, परमेस्सर ओका हमरे बरे पाप ठहराएस ओक उ इही बरे पाप बली बनाएस कि ओकरे हम कारण परमेस्सर क साथे अच्छा बन जाई।

6 परमेस्सर क काम में साथे साथे काम करइ क नाते हम तू लोगन स आग्रह करत अही कि परमेस्सर क जउन अनुग्रह तोहे मिला बा, ओका बेकार न जाइ द्या। 2काहेकि उ कहे बा:

“तोहार सुन लिहा अच्छे समइ पर मई अउर उद्धार क दिना आवा मई तोहका सहारा देइ।”

यसायाह 49:8

देखा! “उचित समइ” इहइ अहइ! देखा! “उद्धार क दिन” इहइ अहइ।

3हम कउनो क बरे कउनउ बहुत विरोध उपस्थित नहीं करित ह जेसे हमरे कामे में कउनउ कमी आवइ। 4बल्कि परमेस्सर क सेवक क रूप में हम सब तरह से अपने क अच्छा सिद्ध करत रहित ह। धीरज क साथे सबकछू सहत सहत सबइ यातना क बीच, बिपत्तियन क बीच, कठिनाइन

क बीच 5मार खात खात बन्दी घरे में रहत रहत भीड़ हमरे खिलाफ अउर हमसे झगड़त रही मेहनत करत करत रातिन रात पलकउ न झपकाइके, भूखा रहिके, 6अपने पवितर जीवन, गियान अउर धीरज से आपन दया स, अपने पवितर आत्मा स, अपने सच्चे पिरेम स 7अपने सच्चे सँदेस अउर परमेस्सर क सक्ती स नेकी क अपने दायें बाँए हाथन में ढाल क रूप में लइके 8हम आदर अउर निरादर क बीच अपमान अउ सम्मान में अपने क उपस्थित करत रहित ह। हमका ठग समझा जात ह, हम सच्चा अही 9हमका गुमनाम समझा जातह, जब कि हम सच्चा अही हमका मरा हुआ जानत हीं, तबउ देखा हम जिन्दा अहीं। हमका दण्ड भोगईवाला जाना जात ह, तबउ देखउ हम मऊत क नहीं सौंपा जाइत ह। 10हमका सोक से बियाकुल समझा जात ह, जबकि हम तउ हमेसा खुस रहित ह। हम दीन हीन क नाई जाना जाइत ह, जब कि हम बहुत जने क धनी बनावत अही। लोग समझत हीं कि हमरे लगे कछू नहीं ना, जब कि हमरे लगे तउ सब कछू बा।

11हे कुरिन्थियन! हम तोहसे पूरी तरह खुली क बात किहे अही। तोहरे बरे हमार मन फैला बा। 12हमरा पिरेम तोहरे बरे कम नहीं भवा बा। मुला तु हमसे पिरेम करई क बन्द कइ दिहे अहा। 13तोहका आपन बच्चा समझत भए मई कहत हउँ कि अच्छा प्रतिदान क रूप में आपन मन तोहार हमरे बरे पूरी तरह फैला रहइ चाही।

गैर मसीहन क संगत क विरुद्ध चेतावनी

14अबिसवासियन क साथे बेमेल संगत जिनकरा काहेकि नेकी अउर बदी क भला कइसेन बराबरी? इ प्रकास अउर अँधारे में भाईचारा क कइसेन तालमेल? 15अइसे मसीह का बलियाल (सइतान) स का तालमेल अउर अबिसवासी क साथे बिसवासी क कइसेन साझा? 16परमेस्सर क मंदिर क मूर्तियन स का नाता? काहेकि हम खुदइ उ सजीव परमेस्सर क मंदिर अही, जइसेन की परमेस्सर कहे रहा:

“मई ओहमे अधिवास करब, चलबई फिरब होब ओनकर परमेस्सर अउर बनिहीं उ मोर लोग।”

लैव्यव्यवस्था 26:11-12

17“इहीं बरे तू ओहमें स आइ जा बाहेर, अलग करा ओनसे अपने क अब न कबहुँ छुआ तू कछूउ जउन असुद्ध अहइ तब मई तोहका अपनउबई।” यसायाह 52:11

18“अउ तोहार पिता बनब तू होब्या मोरे बेटवा, मोर बिटिया सर्वसक्तिमान पभू इ कहत हीं।”

2 समूल 7:14; 7:8

7 पिआरे मित्रन, काहेकि हमरे लगे इ प्रतिज्ञाँ अहई, इही बरे आवा परमेस्सर क बरे स्त्रद्धा क कारण हम अपने पवित्रता क परिपूरन करत भए अपने बाहेर अउर भीतर सबन दोसन क धोइ डालेन। हमका परिपूर्ण होइ चाही जइसे हम जिअत अही, काहेकि हम परमेस्सर क सम्मान करित ह।

पौलुस क आनन्द

2अपने मने में हमका स्थान द्या हम कउनो क कछू बिगाड़े नहीं अही। हम कउनो क कउनउ ठेस नहीं पहुँचाए अही। हम कउनो क साथे छल नहीं किहे अही। 3मई तोहे दोसी ठहरावइ बरे अइसेन नहीं करत अही काहेकि मई तोहे बताइ चु का अही कि तु तउ हमरे मने में बसत। हिओँ तलक कि हम तोहरे साथ मरई क अउर जिअइ क तइयार अही। 4मई तोहसे खुलकर कहत रहा हउँ कि तोहपे मोका बड़ा गरब बा। मई सुख चैन से अहउँ। आपन सब यातना झेलत मोका आनन्द उमड़त रहत ह।

5जब हम मैसीडोनिया आइ रहे तबहुँ हमका आराम नहीं मिल रहा, बल्कि हमका तउ सब तरह से दुख उठावइ पड़ा रहा बाहरे क झगड़न से अउर मन क भितर डर से। 6मुला दीन दुखिन क खुस करइवाला परमेस्सर त तीतुस क इहाँ पहुँचाइके हमका सान्त्वना दिहे अहइ। 7अउर उहउ केवल ओनके इहाँ पहुँचने की नहीं बल्कि अइसे हमका अउर जियादा सान्त्वना मिली कि तू ओका केतना सुख दिहे अहा। उ हमका बताएस कि हमसे मिलइ क तू केतना बियाकुल अहा। तोहका हमार केतना चिन्ता बा। ऐसे हम अउर भी खुस भए।

8जद्यपि अपने चिठठी स मई तोहका दुख पहुँचाए हउँ मुला फिन भी मोका ओके लिखई क खेद नहीं बा। चाहे पहिले मोका एकर दुख भवा मुला अब मई देखत अही कि उ चिठठी स तोहे बस पल भरे क दुख पहुँचाइ रहेउँ। 9तउ अब मई खुस हउँ। एह बरे नहीं कि मई तोहका दुख पहुँचाए रहेउँ। बल्कि एह बरे कि उही दुखे क कारण से तू पछतावा किहे अहा। तोहका उ दुख भवा जेह तरह कि परमेस्सर चाहत रहा ताकि तोहका हमरे कारण कउनउ हानि न पहुँच पावइ।

10काहेकि उ दुख जउन परमेस्सर की इच्छा क अनुसार होत ह एक अइसेन मनफिराव क जन्म देत ह जेहके बरे पछतावई क नहीं पड़त अउ जउन मुक्ति देवोंवत ह। मुला उ दुख जउन संसारी होत ह, ओहसे तउ बस मउत जनम लेत ह। 11देखा! इ दुख जउन परमेस्सर दिहे अहइ, उ तोहमें केतना उत्साह जगाइ दिहे बा। अपने भोलापन क केतना प्रतिरच्छा, केतना विरोध केतना आकुलता, हमसे मिलइ क केतनी बेवैनी, केतना साहस, पापी क बरे निआव चुकावइ क कइसेन भावना पैदा कइ दिहे बा। तू हर बाते में इ देखइ दिहे अहा कि एह बरे में तू केतना निर्दोस रह्या।

12तउ इ मई तोहे लिखे रहे तउ उ मनई क कारण नहीं जउन अपराधी रहा अउ न तउ ओकरे कारण जेनके प्रति अपराध किहा गवा रहा। बल्कि एह बरे लिखा गवा रहा कि परमेस्सर क सामने हमरे कारण तोहरे चिन्ता क तोहका बोध होइ जाए। 13ऐसे हमका प्रोत्साहन मिला बा।

हमरे इ प्रोत्साहन क अलावा तीतुस क आनन्द स हम अउर जियादा आनन्दित भए काहेकि तू सबके कारण ओनके आतिमा क चइन मिला बा। 14तोहरे बरे मई ओनसे जउन बड़ चढ़ क बात किहे रहे, ओकरे बरे मोका लजाइ क नहीं पड़ा रहा। बल्कि हम जइसे तोहसे सबकछू सच सच कहे रहे वइसेन ही तोहरे बारे में हमार गरब तीतुस क

सामने सच सिद्ध भवा अहइ। 15उ जब इ याद करत हा कि तू सब कउनो तरह ओनकर आगिया माना ह अउर डर क मारे थर थर काँपत भए तू कइसे ओनका सुवागत किहा तउ तोहरे बरे ओनकर पिरम अउ जियादा बड़ जात ह। 16मई खुस अही कि मई तोहसे पूरा भरोसा रखी सकित ह।

हमार दान

8देखा भाइयो, अब हम इ चाहित ह कि तू परमेस्सर क ओह अनुग्रह क बारे में जान ल्या मैसिडोनिया छेत्र क कलीसियावन पर कीन्ह गवा बा। 2मोर मतलब इ अहइ कि जद्यपि ओनकर कठिन परीच्छा लीन्ह गइ अहइ। तबउ उ पचे खुस रहेन, अउ अपने गहन गरीबी क रहत ओनकर सब उदारता उमड़ी पड़त रही। 3मई प्रमानित करत हउँ कि उ पचे जेतना दइ सकत हीं दिहेन! एतनई नहीं बल्कि अपने समरथ से जियादा प्रोत्साहन दइ दिहेन। 4उ पचे बड़े आग्रह क साथ परमेस्सर क लोग सहायता करइ में हमका सहयोग देइ क विनय करत रहेन। 5ओनका जइसेन हमसे आसा रही, वइसेन नहीं बल्कि पहिले अपने आप क पर्भू क समर्पित किहेन अउर फिन परमेस्सर क इच्छा क अनुकुल उ पचे हमका अर्पित होइ गएन।

6इहीं बरे हम तीतुस स पराथना कीन्ह कि जइसेन उ अपने काम क पूरा कइ ही दिहे बाटइ होइ। वइसेन हौं उ अनुग्रह क काम क तोहरे बरे करी। 7अउ जइसेन कि तू सब बाते में यनि बिसवासे में, बानी में, गियान में, अनेक प्रकार क उपकार करइ में अउर हम तोहका जउनो पिरम क सिच्छा ह दीन्ह ह उ पिरम में, जउन भरपूर होइ सीख्या ह वइसेन ही अनुग्रह क इ कामें में सम्पन्न होइ जा।

8इ मई आदेस क रूपे में नहीं कहित ह बल्कि अउर मनइयन क मने में तोहारे बरे जउन तेजी बा, उ पिरम क सच्चाई क परख करइ क बरे अइसेन करत इउँ। 9काहेकि हमार पर्भू ईसू मसीह क अनुग्रह स तू परिचित अहा। तू इ जानत अहा कि धनी होके तोहरे बरे उ निर्धन बन गवा। ताकि ओनकइ गरीबी स तू मालामाल होइ जा।

10इ बिसय में मई तोहे आपन सलाह देत हउँ, तोहे इ सोभा देत ह। तू पिछले साल न केवल दान देइ क इच्छा में सबसे आगे रह्या। बल्कि दान देइ में भी सबसे आगे रह्या। 11अब दान करइ क उ तेज इच्छा क तू जउन कछू तोहरे पास बा, ओहसे पूरा करा। तू एका ओतनेन लगन से “पूरा करा।” जेतने लगन से तू एका “चाहे” रह्या। 12काहेकि अगर दान स देइ क लगन अहइ तउ मनइयन क लगे जउन कछू बा, उहइ क अनुसार ओकर दान ग्रहण करइ क जोग्ग बनत ह। न कि ओनके अनुसार जउन ओनके पास नहीं बा। 13हम इ नहीं चाहित ह कि दुसरन क तउ सुख मिलई अउर तोहे कस्टन, बल्कि हम तउ बराबरी चाहित ह। 14हमार इच्छा बा कि ओनके इ अभाऊ क समइ में तोहर सम्पन्नता ओनके अभाव क दूर कइ सकइ आवस्यकता पड़े पर आगे चलिके ओनकी सम्पन्नता भी तोहरे अभाव क दूर करइ, ताकि समता स्थापित हो सकइ। 15जइसे कि पवितर सास्तर में कहा गवा बा:

“जे बहुत बटोरैस ओकरे लगे न जियादा रहा, अउर जे कम बटोरैस ओकरे लगे न तनिकउ रहा।” निर्गमिन 16:18

तीतुस अउर ओनकर संघी

16परमेस्सर क धन्यवाद बा जे तीतुस क मने में तोहरे सहायता क बरे वइसेन तीव्र इच्छा भर दिहे बा, जइसेनइ हमरे मने में बा। 17काहेकि उ हमार पराथना स्वीकार किहेस अउर उ ओकरे बरे विसेस रुप स आपन इच्छा भी क रखत ह। इही बरे उ खुद आपन इच्छा से ही तोहरे लगे आवई बरे बिदा होत बा। 18हम ओकरे साथे उ भाई क भेजत अही, जेकर सुसमाचार क प्रचार की उत्सुकता सब कलीसियावन में सब जगह जस फइलत बा। 19एकरे अलावा इ दयापूर्वक काम में कलीसियनन ओका हमरे साथे जाना करइ बरे नियुक्त कीन्ह गवा अहइ। इ दया क काम जेकर प्रबन्ध हमरे कारण कीन्हा जात अहइ। खुद पर्भू क महिमा करइ बरे अउर परोपकार में हमार लगन क देखौवई बरे बा।

20हम सावधान रहइ क चेस्टा करत अही इ बड़े भेंट की व्यवस्था करत अही, केऊ हमार बुराई न करइ। 21काहेकि हमका आपन अच्छी साख बनबइ रखइ क चिन्ता बा। न केवल पर्भू क आगे बल्कि लोगन क बीच में। 22अउ ओनके साथे हम आपन उ भाई क भेजत रहे, जेका बहुत बिसय में अउ बहुत मौकन पर हमका परोपकार क बरे उत्सुक मनई क रूप में प्रभावित किहे अहइ। अउर अब त तोहरे बरे ओहमें जउन असीम बिसवास बा, ओहसे ओहमे सहायता करइ क उत्साह अउर जियादा होइ गवा बा।

23जहाँ तलक तीतुस क विसय में पूछे बा, तउ तोहरे बीच सहायता क काम में मोर साथी अउर साथे साथे काम करइवला रहा। अउर जहाँ तलक हमरे भाइयन क सवाल बाटई, उ सबइ तउ कलीसियन क प्रतिनिधि अउ मसीह क महिमा लावत समान बा। 24तउन तू ओन्हे अपने पिरैम क प्रमाण देब अउर तोहरे बरे हम एतना गरब काहे रक्खत ह, ऐका सिद्ध करब ताकि सब कलीसिया ओका देख सकई।

साथियन क मदद करा

9अब परमेस्सर क लोगन क सेवा क बारे में तोहे एह तरह से लिखत चला जाब मोरे बरे जरूरी नाहीं बा। 2काहेकि सहायता क बरे तोहर लोगन क मई जानत हउँ अउर ओकरे बरे मैसीडोनिया निवासियन क सामने इ कहत मोका गरब बा कि अखाया क लोग तउ, पिछले साल से ही तइयार अहई। अउ तोहरे उत्साह तउ ओनमें से जियादातर काम बरे प्रेरणा दिहे अहई। 3मुला मई भाइयन क तोहरे लगे इही बरे भेजत हउँ कि तोहके लइक मई जउन गरब करत हउँ, उ ऐह बारे में खराब सिद्ध न होई। अउर एह बरे की तू तइयार रहा, जइसेन की मई कहत आएउँ ह। 4नाहीं तउ जब केउ मैसीडोनिया बासी मोरे साथे तोहरे लगे आवइ अउर उ पचे तोहे तइयार न पावई तउ तोहरे ऊपर बिसवास करइ क कारण हमार बदनामी होइ, इहइ नाहीं काहेकि

एहमे तोहार बदनामी होइ। (तू अउर जियादा लजित होब्या।) 5इहीं बरे मई भाइयन स इ कहब जरूरी समझा कि उ हमसे पहिले ही तोहरे लगे जाई अउर जेन उपहारन क दइ क तू पहिलेन ही बचन दइ चुका अहा ओन्हे पहिलेन से उदारतापूर्वक तइयार रखा। इही बरे इ दान स्वेच्छापूर्वक तइयार रखा जाइ न कि दबाउ क साथे तोहसे छीनी गइ कउनउ चीज के रूप में।

6एका याद रक्खा। जे छितरा बोवत हीं, उ छितरा ही कटिहीं। अउर जेकर बुआइ सघन बा, उ सघनइ काटी। 7सब कउनो बिना कउनउ कस्ट क य बिना कउनउ दबाउ क, उतनइ देइ जेतना उ मने में सोचे अहइ। काहेकि परमेस्सर खुस मनइयन से ही पिरैम करत ह। 8अउ परमेस्सर तोहपे सब प्रकार क अच्छा बरदानन क वर्सा कइ सकत ह जेसे तू अपने जरूरत क सब चीजन में हमेसा खुस होइ सकत ह अउर सब अच्छे कामन क बरे फिन तोहरे लगे जरूरत से जियादा रही। 9जइसेन की पवितर सास्तर में लिखा बा:

“मुक्त भाव से ऊ देत ह उ देत ह दीन लोगन क अउर बनी रहत ह ओकर हमेसा दया क हमेसा हमेसा बरे।”

भजन संहिता 112:9

10उ परमेस्सर ही बोवइवाले क बीज अउर खाइवाले क भोजन देत ह। उहइ तोहे आत्मिक बीज देई अउ ओकर बढ़वार करी। उही से तोहरे नीक क खेती फूली फली। 11तू सब प्रकार से सम्पन्न बनावइ जाब्या ताकि तू हर असर पर उदार बन सका। तोहार उदारता परमेस्सर बरे लोगन क धन्यवाद क पैदा करी। 12दान क इ पवितर सेवा में तोहार योगदान से न केवल पवितर लोगन क जरूरत पूरी होत ह। बल्कि परमेस्सर बरे बहुत जियादा धन्यवाद क भाउ भी उपजत ह। 13काहेकि तोहरे इ सेवा स जउन प्रेरित होकर परगट होत ह, ओसे लोग परमेस्सर क स्तुति करिहीं। काहेकि ईसू मसीह क सुसमाचार में तोहरे बिसवासे क घोसणा से पैदा भई तोहार आग्या क कारण अउर अपने क कारण ओनके बरे अउ अपने दयालुपन क कारण क ओनके बरे अउर दुसरे सब लोगन बरे तू दान देत ह। 14अउर पचे तोहरे बरे पराथना करत तोहसे मिलइ क बड़ी इच्छा करिहीं। तोहपे परमेस्सर क असीम अनुग्रह क कारण 15उ भेंट क बरे जेकर बखान नाहीं कीन्ह सकत ह, परमेस्सर क धन्यवाद अहइ।

पौलुस स अपने सेवा क समरथन

10मई पौलुस, अपने तउर पर मसीह क कोमलता अउर सहनशीलता क साच्छी कइके तोहसे निवेदन करत अहउँ। लोगन क कहब अहइ कि मई जउन तोहरे बीचवा में रहत विनम्र अहउँ। मुला उहइ मई जब तोहरे बीच नाहीं अहउँ, तउ तोहरे बरे निर्भय हउँ। 2अब मोर तोहसे बिनती बा कि जब मई तोहरे बीच होउँ तउ उही बिसवास क साथे वइसेन ही निर्भरता दिखावइ क मोहप दबाव जिन डावा जइसेन कि मोरे विचार से मोका कछू ओन्हन लोगन

क विरुद्ध देखावई होइ जउन सोचत हीं कि हम एक संसारी जीवन जिइत ह। 3काहेकि जद्यपि हमहूँ इही संसारे में रहित ह। मुला हम संसारी लोगन क तरह नाहीं लड़ित ह। 4काहेकि जउने सास्तरन स हम लोगन क तर्कन क अउर ऊ हर एक रूकावत जउन परमेस्सर क गियान क विरुद्ध खड़ा अहई, खण्डन करत हीं। 5सो हम कल्पना क, अउर हर एक उंची बात क, जो परमेस्सर क पहचान क विरोध में उठत अहई, खण्डन करित ह, अउर हर एक भावना का कैद कहके मसीह क आग्याकारी बनाइ देत अही। 6जब तोहमे कुल आग्या करत बाटेन तउ हम सब परोपकार क अनाज्ञा क दण्ड देइ बरे तइयार अही।

7तोहरे सामने जउन लच्छ बा ओनहीं क देखा। अगर केउ अपने मने में इ मानत ह कि उ मसीह क अहइ, त उ अपने बारे में फिन स याद करइ कि उहइ ओतनइ मसीह क अहइ जेतना कि हम अही। 8अउर अगर अपने उ अधिकार क विसय में कछू अउर गरब करइ जेका पभू हमे तोहरे बिनास क बरे नाहीं बल्कि आत्मिक निर्माण क बरे दिहे बा। 9तउ एकरे बरे मई तोहका इ भावना नाहीं देई चाहित कि मई अपने पतरन स तोहका घबड़बाइत ह। 10मोरे विरोधीन क कहब बा, “पौलुस क चिट्ठी तउ भारी भरकम अउर प्रभाऊपूरक अहई। लेकिन मोर उपस्थित रहब अहइ तउ व्यक्तित्व कमजोर अहइ अउर बानी अर्थहीन बा।”

11मुला अइसेन कहइवाले मनइयन क समझ लेइ चाही कि तोहरे बीच में न रहत भए, जब हम अपने चिट्ठीन में कछू लिखित ह तउ ओहमें अउर तोहरे बीच रहत हम जउन करम करित ह ओहमें कउनउ अन्तर नाहीं बा।

12हम उ कछू लोगन क साथे हमका तुलना करइ क साहस नाहीं करित ह जउन अपने आपके बहुत महत्वपूर्ण मानत हीं। मुला जब अपने क एक दूसरन से नापत हीं अउर आपन में आपन तुलना करत ही तउ उ इ दरसावत ही कि उ पचे नाहीं जानत हीं कि उ पचे केतना मूरख अहई। 13चाहे जउन होइ, हम अच्छे उचित सीमा से बाहेर बढ़ चढ़ क बात न करब। बल्कि परमेस्सर तउ हमरे सेवा क जउन सीमा हमका सौंपे अहइ, हम उहीं में रहित ह, अउर सीमा तोहे तलक पहुँचत ह। 14हम अपने सीमा क उल्लंघन नाहीं करत अही, जइसेन कि अगर ह मतोहरे तक नाहीं पहुँच पाइत, तउ होइ जात। मुला तोहे तक ईसू मसीह क सुसमाचार लइके हम तोहरे लगे सबसे पहले पहुँचा अही। 15अपने उचित सीमा स बाहेर जइके कउनो अउर दूसरे मनइयन क काम पर हम गरब नाहीं करित ह मुला हमका आसा बा कि तोहार बिसवास जइसे जइसे बढ़ी तउ वइसे वइसे ही हमार गतिबिधियन क्क छेत्र क साथे तोहरे बीच में हमहूँ बियापक रूप स फइलब। 16अइसे तोहरे छेत्र क अगवा हम सुसमाचार क प्रचार कइ पाउब। कउनो अउर क जउन काम सौंपा गवा बा ओह छेत्र में अब तलक जउन काम होइ चुका बा हम ओकरे बरे सेखी नाहीं बघारत अही। 17जइसेन की सास्तरन में कहा गवा बा: “जेका गरब करइ क बा वो पभू जउन कछू किहे अहइ उहइ पर गरब करा।” * 18काहेकि अच्छा उहइ माना जात

ह जेका पभू अच्छा स्वीकारत ह, न कि उ जउन अपने आपके खुद अच्छा समझत हीं।

बनावटी प्रेरित अउर पौलुस

1 कास, तू मोर धोड़क मूरखता सही लेल्या। हौं तू ओका सहि ल्या। 2काहेकि मई तोहसे जलन होत ह, इ जलन उ अहइ जउन परमेस्सर से मिलत ह। मई तोहार मसीह से सगाई कराइ दिहे हउँ। ताकि तोहे एक पवित्र कन्निया क समान ओका अर्पित कई सकउँ। 3मुला मई डेरात अहउँ कि कहूँ जइसेन उ सर्प हव्वा क अपने कपट से भ्रस्ट कइ दिहे रहा। वइसेन ही कहूँ तोहार मन उ एक निस्टा भक्ति अउर पवित्रता स, जउन मोका मसीह क लिए रक्खई चाही भटकाई न दीन्ह जाई। 4काहेकि जब कउनो तोहरे लगे आइके जे ईसू क बारे में जउन कहे रहा, ओका छोड़ी क कउनो दूसरे ईसू क तोहका उपदेस देत ह अउर जउन आतिमा तू ग्रहण किहे अहा, ओसे अलग कउनो अउर आतिमा तू ग्रहण करत ह अउर छुटकारा क जउने सँदेस क तू ग्रहण किहे अहा, ओसे अलग कउनो दूसरे सँदेस क उ ग्रहण करत ह।

5तउ तू बहुत खुस होत अहा। पर मई अपने आपके तोहरे “बड़ेन प्रेरितन” से बिलकुस छोट नाहीं मानत अहउँ। 6होइ सकत ह कि मोर बोलइ क सक्ती सीमित बा मुला मोर गियान तउ असीम बा। इ बाते क हम सबहिं बाते में तोहे स्पस्ट रूप से दरसाए हउँ।

7अउ फिन मई सेंटइ मैतई में सुसमाचार क उपदेस दइके तोहे ऊँचा उठावई बरे अपने आपके झुकावत भए, का कउनउ पाप किहे अहइ? 8मई दूसरे कलीसियन स आपन मेहनताना लइके ओनका लूटे हउँ ताकि मई तोहार सेवा कइ सकउँ। 9अउर तब मई तोहरे साथे रहेउँ तब जरूरत पड़े प मई कउनो प बोझ नाहीं डालेउँ काहेकि मैसीडोनिया स आपन भाइयन मोर जरूरत क पूरा कइ दिहे रहेन। मई हर बाते में अपने आपके तोहपे न बोझ बनई दिहे हउँ अउर न बनई देब। 10अउर काहेकि मोहमाँ मसीह क सच निवास करत ह। इही बरे अखाया क समूचे छेत्रन में मोका बढ़ चढ़ क बोलइ स केउ नाहीं रोक सकत ह। 11भला काहे? का इही बरे कि मई तोहसे पिरेम नाहीं करत हउँ? परमेस्सर जानत ह, मई तोहसे पिरेम करत हउँ।

12मुला जउन मई करत हउँ ओका तउ करतइ रहब, ताकि ओन्हन कही गइ प्रेरितन क गरब क, जउन गरब करइ क कउनउ अइसेन बहाना चाहत हीं। जेसे सबइ ओनहीं कामे में हमरे बराबर समझा जाई सकई जेनपइ ओनका गरब बा। मई ओनके उ गरब क खतम कइ सकउँ। 13अइसे लोग नकली प्रेरित अहई। ऊ पचे छली अहई, उ मसीह क प्रेरित होइ क ढोंग करत हीं। 14एहमें कउनउ अचरज नाहीं बा, काहेकि सइतान त परमेस्सर क दूत क रूप धारण कइ लेत ह। 15इही बरे अगर ओकर सेवकउ नेकी क सेवकन क स रूप धइ लेइ तउ एहमाँ कउन बड़ी बात बा? मुला अन्त में ओनका आपन करनी क अनुसार फल तउ मिलइ क बा।

पौलस की यातना

16मई फिन दोहरावत अहउँ कि मोका केउ मूरख न समझइ। मुला अगर फिन स तू अइसेन समझत ह तउ मोका मूरख बनाइके ही मंजूर करा। तब मोका स्वीकार कइ ल्या अउ मोका कछू अधिकार द्या। ताकि मई कछू गरब कइ सकउँ। 17अब इ मई कहत अहउँ, उ पभू क अनुसार नाहीं कहत ह, बल्कि एक मूरख क रूप मँ गरबपूर्वक बिसवास क साथे कहत हउँ। 18काहेकि बहुत लोगन अपने संसारी जीवन पर गरब करत हीं। 19फिन तउ मई गरब करब। अउर फिन तउ तू ऐतना समझदार अहा कि मूरखन क बात खुसी क साथे सहि लेत ह। 20काहेकि अगर केउ तोहका दास बनावइ, तोहका फँसाइ देत ह, धोखा देत ह अपने क तोहसे बड़ा बनवइ अउर तोहरे मुँहे पर थप्पड़ मारई त तू ओका सहि लेत ह। 21मई सरम क साथे कहत हउँ कि हम पचे बहुत कमजोर रहे। अगर कउनउ मनई कउनो चीजन पे गरब करइ क साहस करत ह त ओइसन साहस मई भी करब। मई मूरखतापूर्वक कहत अही।

22इबरानी सबइ तउ नाहीं अहईं। जदि उ पचे इस्त्राएली अहईं, तउ उ मई भी अहउँ, जदि उ सबइ इब्राहीम क बंसज अहईं, तउ उ मई भी हउँ। 23मई अहउँ। इस्त्राएली उ सबइ तउ नाहीं अहईं। मई ह भी। का उ पचे मसीह क सेवक अहईं? (एक सनकी की नाहीं मई इ कहत ह अहउँ।) कि मई ओहसे बड़ा मसीह क सेवक अहउँ। मई बार बार जेल गवा हउँ। मोका बार बार मारा गवा बा। कई अवसरन पर मोका मऊत क सामना भवा बा। 24पाँच बार मई यहूदियन स एक कम चालीस चालीस कोड़ा खाए हउँ। 25मई तीन तीन बार लाठियन स पीटा गवा हउँ। एक्क बार तउ मोहे पर पत्थराऊँ कीन्ह गवा बा। तीन बार मोर जहाज बूड़ा। एक दिन अउर एक रात मई समुंदर क गहिरे पानी मँ बितावा। 26मई भयानक नदियन, खूँखार डकइतन, खुद आपन लोगन, विधर्मियन, नगरन, गाँवन, समुद्रन अउर देखआवटी बन्धुवन क खतरे क बीचवा मँ कइयऊ यात्रा किहे हउँ। 27मई कड़ा मेहनत कइके थकावत से चूर होइके जीव जिए हउँ। कई अवसरन पर मई सोइ तक नाहीं पाएउँ। भूखा अउर पियासा रहेउँ। अकसर मोका खाई तक क नाहीं मिला। बिना कपड़न क जाड़ा मँ ठिठूरत रहेउँ। 28अउर अब अउर जियादा का कही? रोज मेरे ऊपर जिम्मेदारी का भार अहइ अउर मोहे पड़ सब कलीसियावन की चिन्ता बनी रहत ह। 29कीहीऊ का कमजोरी मोका सक्तिहीन नाहीं कई देत ह अउर केकर पापे मँ होब मोका बैचैन नाहीं बनाई डावत ह। लेकिन मई अन्दर से दुखी होइ जात हउँ यदि कउनो प्रलोभन मँ बहक जात ह।

30अगर मोका बढ़-चढ़ क बात कई क बा तउ मई ओन्हन बातन क करब जउन हमरे कमजोरी क अहईं। 31परमेस्सर अउर पभू ईसू क परमपिता जउन हमेसा धन्य अहईं, जानत हीं कि मई कबहुँ झूठ नाहीं बोलत हउँ। 32जब मई दमिस्क मँ रहेउँ तउ राजा अरितास क राज्यपाल दमिस्क क चारों ओर पहरा बइठा दिहे रहा मोका बन्दी कई लेइक जतन किहे रहा। 33मुला मोका नगर क चार दीवारी

क छेद से टोकरी मँ बइठाइ क नीचे उतार दीन्हा गवा अउर मई ओकरे हाथ स बच निकलउँ।

पौलस पर पभू क विसेस अनुग्रह

12 यदि घमण्ड करइ क होइ तउ मोरे बरे ठीक ना होइ, तो भी करइ पड़त ह, तउ मई पभू क दीन्ह भाए दर्सन अउर पभू क प्रकासित चरचा करत अहउँ।

2मई मसीह मँ स्थित क अइसेन मनई क जानत हउँ जेका चौदह साल पहिले (ओकरे सरीर मँ या सरीर क बाहर मई नाहीं जानित ह परमेस्सर ही जानत ह।) देह सहित या देह रहित तीसरे सरग मँ उठाई लीन्ह गवा रहा। 3-4अउर मई जानित ह कि ऐह मनई क (मई बिना सरीर क या सरीर सहित नाहीं जानित हउँ बस परमेस्सर ही जानत ह) सरगलोक* मँ उठाई लीन्ह गवा अउर ओ अकथनीय सब्द सुनेस जेका बोलइक अनुमति मनइयन क नाहीं बा। 5हाँ, अइसेन मनइयन पर गरब करबइ, मुला खुद अपने घरे पर अपने दुर्बलतन क छोड़ क गरब न करबइ। 6काहेकि इ मई सरम करइ क सोची तउ मई मूरख न बनबइ काहेकि तब मई सच कहबइ। होबइ! मुला तोहका मई अइसेन बचाउब ताकि कउनो मोका जइसेन करत देखत ह या कहत सुनत ह, ओसे भी जियादा स्त्रेय न देइ।

7असाधारण प्रकासित क कारण मोका कउनउ गरब न होइ जाइ, इही बरे मोका सालत रहइ वाला काँटउ दइ दिहे अहइ। जउन सइतान क दूत अहइ, मोका मारत रहत ह ताकि मोका बहुत जियादा घमण्ड न होइ जाइ। 8काँटा क अहइ समसिया क बारे मँ मई पभू स तीन बार बिनती किहेउँ काहेकि उ इहइ काँटा क मोसे निकाल लेइ। 9मुला उ मोसे कहि दिहे अहइ, “तोहरे बरे मोरे अनुग्रह परियाप्त बा। काहेकि निर्बलता मँ मोर सक्ती सबसे जियादा होत ह।” इही बरे मई अपने कमजोरी पे खुसी क साथे गरब करत हउँ। ताकि मसीह क सक्ती मोहमाँ रहइ। 10इही तहर मसीह बरे मई अपने कमजोरी, अपमानन, कठिनाइयन, जातनन, अउ बाधा मँ आनन्द लेत हउँ काहेकि जब मई कमजोर होत हउँ तबइ बलवान होत हउँ।

कुरिन्थियन क प्रति पौलस क पिरेम

11मई मूरखन की तरह बतियात अहउँ मुला अइसा करइ क बरे मोका मजबूर तू किहे अहा। तोहका तउ मोर प्रसंसा करइ चाही, जद्यपि वइसे तउ मई कछू नाहीं हउँ, पर तोहरे ओन्हन “बडेन प्रेरितन” स मई कीहीउ तरह छोट नाही हउँ। 12कीहीउँ क प्रेरित सिद्ध करइवाला अद्भुत चीन्हा, अचरज कारज, अद्भुत कारज, अउर तोहरे बीच धीरज क साथे परगट कीन्ह गवा अहईं। 13तू दूसरे कलीसियन स कउँने दीस्टी स कम अहा? सिवाय एकरे कि मई तोहपे कउनउ तरह क कवहँ भार नाहीं बना हउँ? मोका एकरे बरे छमा करा।

14देखा तोहरे लगे आवई क अब मई तीसरी बार तइयार हउँ। पर मई तोहपे कउनउ तरह क बोझ न बनब। मोका

सरगलोक यानि सरगे क लोक, जहाँ धर्मी लोग मरई क बाद पहुँचत हीं।

तोहरे सम्पत्तिन क नाही तोहार चाहत अहइ। काहे कि बच्चन क अपने माई बाप क बरे कउनउ बचत करइ क जरूरत नाही होत बल्कि अपने बच्चन क बरे माई बाप क खुद बचत करइ क होत ह। 15जहाँ तक मोर बात अहइ, मोर लगे जउन कछू बा तोहरे बरे खुसी क साथे खर्चा करबइ, इहाँ तक कि अपने आपऊ क तोहरे बरे खर्च कई देबई। जदि मई तोहसे जियादा पियेम रखित ह तउ भला तू मोका कम पियेम कइसे करब्या।

16होइ सकत ह कि मई तोहपे कउनउ बड़ा बोझ न डावा होइ। मुला तोहर कहब बा मई कपटी रहेउँ मई तोहका अपने चालाकी स फंसाइ लिहेउँ।

17का जउने लोगन क मई तोहरे लगे भेजे रहेउँ ओनके जरिये तोहे छला ग रहा? नाही! 18तीतुस अउर ओनके साथे हमारे भाई क मई तोहरे लगे भेजे रहेउँ। का तीतुस तोहे फँसाइ दिहेस? नाही का हम उहीं निस्कपट आतिमा स नाही चलत रहेन? का हम उही चरनचिन्हन पर नाही चलत रहेन?

19अब तू का सोचत अहा कि एक लम्बा समइ स हम तोहरे समन्वा आपन पछ रखत अही। मुला हम त परमेस्सर क समन्वा मसीह क अनुयायी क रूप में बोलत अही। मोर पियारे दोस्तो! हम जउन कछू करत अही उ तोहे आत्मिक रूप स सक्तिसाली बनवइ क बरे बा। 20काहेकि मोका भय बाटई कि कहुँ जब मई तोहरे लगे आवउँ तउ तोहे वइसेन न पावउँ, जइसेन पावई चाहित ह अउर तू भी मोका वइसेन न पावा जइसेन पावई चाहत ह। मोका भय बा कि तोहरे बीच मोका कहुँ आपसइ मैं झगड़ा, इरसा, गुस्सापूर्वक कहासुनी व्यक्तिगत, षडयन्त्र, अपमान, कानाफूसी हेकड़पन अउर अव्यवस्था न मिलइ। 21मोका डर बा कि जब मई फिन तोहसे मिलइ आवउँ तउ तोहरे सामने मोर परमेस्सर कहुँ मोका लज्जित न कइ देइ, अउर मोका ओन्हन बहुतन बरे बिलाप न करइ क पड़इ। जे पहिले पाप किहे बाटेन अउर अपवितरन, व्यभिचरियन अउर भोग विलास मैं डूबा रहइ क बरे मनफिराव नाही किहे बाटेन।

अन्तिम चेतावनी अउर नमस्कार

13 इ तीसर अउसर अहइ जब मई तोहरे लगे आवत हउँ सास्तरन कहत हीं: “सब बातन क पुस्टि, दूई या तीन गवाहन क साच्छी पर कीन्ह जाइ।”* 2जब दूसरी बार मई तोहरे साथे रहेउँ मई तोहका चेतावनी दिहे रहेउँ

अउर अब जब मई तोहसे दूर हउँ मई तोहका फिन स चेतावनी देत हउँ कि अगर मई फिन तोहरे लगे आवउँ त जे जे पाप किहे बाटेन अउर जउन पाप करत अहइँ ओनका अउर शेष दूसरे लोगन क न छोड़बा। 3अइसेन मई एँह बरे करत हउँ कि तू इ बाते क प्रमाण चाहत अहा कि मोहमाँ मसीह बोलत ह। उ तोहरे बरे कमजोर नाही बा बल्कि।” समरथ बा। 4इ सच बा कि ओका ओकरे कमजोरी क कारण क्रूस पर चढ़ावा गवा रहा। मुला अब उ परमेस्सर क सक्ती क करण ही जिअत अहइ। इह सच बा कि मसीह में स्थित हम कमजोर अही मुला तोहरे लाभ बरे परमेस्सर क सक्ती क कारण हम ओकरे साथे जियब।

5इ देखई बरे अपने आप क परखई क बा तू बिस्वासापूर्वक जिअत अहा। आपन जाँच पड़ताल करा अउर का तू नाही जानत ह कि उ ईसू मसीह तोहरे भितरइ बा। जदि अइसना नाहीबा, तउ त इ परीच्छा मैं पूरा न उतरब्या। 6मई अब आसा करत हउँ कि तू इ जानि जा कि हम इ परीच्छा मैं कउनउ तरह स विफल नाही भए।

7हम परमेस्सर से पराथना करित ह कि तू कउनउ बुराइ न करा। एह बरे नाही कि हम इ परीच्छा मैं खरा देखाई देइ। बल्कि एह बरे कि तू फिन उहइ करा जउन अच्छा बा। चाहे हम इ परीच्छा मैं विफल भए काहे न देखाई देइ।

8असलियत मैं हम सत्य क विरुद्ध कछू नाही कइ सकित ह। हम जउन करित ह सच क बरे करित ह। 9हमार कमजोरी अउर हमार सबलता मोका खुश करत ह अउर हम इही बरे पराथना करित ह की तू मजबूत स मजबूत बना

10इही बरे तोहसे दूर रहत मई इन बातन क तोहका लिखत हउँ। ताकि जब मई तोहरे बीच होउँ तउ मोका पभू क जरिये दीन्ह गवा अधिकार स तोहका हानि पहुँचई बरे नाही बल्कि तोहरे आत्मिक बिकास बरे तोहरे साथे कठोरता न बरतइ पड़इ।

11अब भाइयन, मई तोहसे विदा लेत अहउँ। आपन आचरण ठीक रखा। वइसेह करत रहा जइसेन करइ क मई कहे रहेउँ। एक जइसेन सोचा। सान्तिपूर्वक रहा। जेसे पियेम अउर सान्ति क स्रोत परमेस्सर तोहरे साथे रही।

12पवितर चुम्बन दुवारा एक दूसरे क सुवागत करा। 13सबन पवितर लोगन क तोहे नमस्कार।

14तू पभू ईसू मसीह क अनुग्रह, परमेस्सर क पियेम अउर पवितर आतिमा स मिलइ वाला भाई-चारा रहइ।